



Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt Primvm. Documenta, quibus instruitur Vicecomes, Nuntius in Hispaniam missus, de conclusione & executione Concilij, de colloquio inter Principes, de coniugio Reginae Scotorum, de damnatione ...

urn:nbn:de:hbz:466:1-11718

1563.

CAP V T P R I M V M.

Documenta, quibus instruitur Vicecomes, Nuntius in Hispaniam missus, de conclusione & executione Concilij, de colloquio inter Principes, de coniugio Regine Scotorum, de damnatione Regine Nauarre, de ijs quæ à Pontifice perebant Galli & Hispani.

Tres mandatorum series, ultima O&ob. signata, in quibus continentur res quæ sequuntur, exstant inter Scripturas Burghesiorū, & inter monumenta Gualterij.



Ntequam Pontifex de grato celebratæ Sessionis exitu fieret certior, nuntios parum gratos à Philippo Rege per Aulam huius Oratorem acceperat. Hí erant: Cum Synodus fuisset coacta ad definienda dogmata ad Ecclesiam reformandam, & ad aberrantes reducendos, nihil horum perfectum videri: proinde Regem à Pontifice petere, ut opus protraheretur, donec haec tria maximè conducibilia bonorum genera perficerentur. His Pontifex respondens per formulas, magnam Regis existimationem sonantes, non tamen dissimularat contrariam in se mentem: Præter sumptus, aliaque Sedis Apostolicæ incommoda, quæ numquam ad vnam magis quam ad alteram partem se impulissent aduertus Patrum voluntatem, non posse amplius eos protrahi tum ob cæli asperitatem, tum ob dispendij grauitatem; & quosdam sine venia iam abijisse. Ob Heribopolim, à Protestantibus anteà occupatam, metum incuti proximi belli, quod Synodus dissoluisset, sicuti ætate Caroli V. Nec minorum metum, minusque periculum repentinæ dissolutionis excitari à pestilentia, quæ dilatabatur admodum Oeniponti, paucorum diecum itinere Tridento distantis. Iisdem rationibus probè fuit instructus Vicecomes, missus pridie Kalendas Nouembbris, quò Regis animo illas imprimeret, per modum non præstolantis responsū, sed Regis animum inclinantis ad boni faciendum quidquid interim de Concilio actum fuisset. Vicecomitis autem missionem retardarat Pontifex; quoniam cum per eos dies Romam venisset Lotharingus, satius existimarat expectare quónam euaderet rerum tractatio, cuius causā fieri posse considerabat, vt tradita nouo Nuntio mandata mutanda essent.

Iam verò Lotharingus progressus nequaquam fuerat ad beneficia, & laxamenta petenda nomine Regis aut Regni, sed solum ardentè efflagitarat id, quod non minus reliqui ministri Gallici flagrantissimè postulabant; nimirum, vt habenda curaret duo colloquia Caroli Regis & Reginæ parentis, alterum cum Philippo Rege, alterum cum ipso Pontifice, cum Catharina & filius propenos animos

1563.

animos præ se ferrent ad sequenda Pontificis consilia in ijs quæ Religioni regnoque consulerent. Quamobrem Pontifici in cogitationem venerat, ea duo colloquia in unicum redigi posse, ad quod omnes conuenirent & cum ipsis etiam Cæsar, aut Rex Romanorum, sicuti pariter optabat Regina; ad quem Regem ea de causa Pius legirat^b Philippum Gerium Episcopum Inarimensem^c, ad id à Legatis, ac præcipue à Morono propoletum. Demandabatur itaque Vicecomiti, vt Regem Catholicum cohortaretur, ne illud in-<sup>b Constat ex
arcaniis notis
Borrom. ad
Moronum
19. Septemb.
1563.</sup>
commodum recusaret pro salute non modo Galliæ periclitantis,
sed Reipublicæ Christianæ, quæ poterat ad Galliæ cladem vniuersa<sup>c Apparet ex
litteris Bor-
rom. ad Le-
gat. 21. Okt.
1564.</sup>
corruere; nec vereretur Rex, ne Pontifex illic indulturus esset rebus nouis, quas Philippus maximoperè detestabatur, in Religionis negotio; semper enim pro mensura suorum consiliorum habiturum le Dei obsequium & Ecclesiæ dignitatem. Posse difficultatem of- fendi a Cæsare adeundi hoc Principum colloquium, ne Prote- stantes irritarentur suspicione alicuius foederis, ad ipsorum perni- ciem contexti: sed occurrentum esse huic suspicioni, datâ illis fide, hoc non agi ad perturbandam inter Germanos quietem, sed utique ad eam conseruandam in alijs populis, vbi turbulentia quedam ingenia sub specie Religionis, tumultus moliebantur. Si Philippo Regi incideret dubitatio contentionis, in eo conuentu futuræ, de gradus prærogatiua, proponeret Nuntius, retineri posse Regem Galliæ adolescentulum in loco proximo conuentui, cui reliqui adessent, & pro filio Regina mater, quæ administrationem rerum obtinebat, adeoque inter duos Reges nullam futuram oc- casionem conueniendi, nisi ad mutuas visitationes, in quibus suæ quisque domi honorem hospiti exhibuisset. Locum huiusc conuentus eum Pontifici probatum iri, qui maiorem negotio facilitatem afferret, certamque sibi fiduciam esse, illos ætati ac digni- tati suæ ratione habituros. Videri sibi, vrbes cunctis maximè op- portunas esse Nicæam, aut Portum Herculis, aut Vercellas.

³ Sed quod ad Synodum spectabat, Regem ille per Nuntium mo- nebat plurimum quod ipse passus erat, quod complurium Prince- pum postulatis in eo genere satisficeret. Tempus iam adesse, vt ad rem perficiendam, fructumque colligendum animus intenderetur, non tam in hereticorum conuersione, quod opus & diuturnum & arduum esset, quam in reparacione Catholicarum prouinciarum, atque earum potissimum, quas tam multas ac vastas Rex possidebat. Gallos quoque significare, se finem Synodi præstolatos fuisse, quod Religioni, sicut oportebat, consulerent, postquam illic dogmata fuissent

1563. fuisse sancta; & ad hanc expectationem tetendisse postremam cura hugonottis concordiam.

Iniunxit pariter Nuntio, ut Regem doceret de affixo libello, quo Regina Nauarræ in ius vocabatur, sex mensium spatio ad se purgandam concessit; quo elapso, ad eam regno priuandam procederetur, quod in occupantibus potestatem deueniret. Se ad id coadum à Ioanna, ob intolerabilem agendi rationem. Verum ab eo postea se abstinuit Pontifex, vti narravimus.

Lotharingum Cardinalem fuisse quoque locutum de danda in matrimonium Scotiæ Regina sui fratri filia; & ostendisse, virum maximè aptum futurum Carolum Archiducem Austriæ, secundum Cæsaris filium. Siquidem Scotos, qui ardenter Reginam suam amabant, numquam consensuros fuisse, ut illa ab iporum regione discederet: quod si discessisset, se ab eius obedientia subtracturos (hinc verò excludebatur eius coniugium, alià indicatum, cum Hispaniæ Principe) adeoque nullum illi adminiculum admoueri posse validius & honestius Archiduce, tum ad retundendos propinquos Angliæ impetus, tum ad sustinendos illius regni Catholicos, in quos Elisabetha fæuire atrociter non cessabat. Pontifex vero indicabat, se tandem cohiberi non posse, quin arma suæ sacræ potestatis in illam vibraret, cum ad id usque temporis ipsum præcipue retinuisse ratio quam habebat de Rege Catholico, cui motus ille ob Belgij propinquitatem grauis accidisset.

Si Rex vereretur ne Pontifex assensurus esset postulato Gallo-rum de bonis Ecclesiasticis alienandis, sciret, velle Clerum per decimas Regi Christianissimo satisfacere alia ratione, absque ea perpetua iactura: eoque quasi clypeo se Nuntius tutaretur, si forte Philippus Rex ageret de alienandis à se pariter prædijs Hispaniæ Ecclesiarum, ex aduerso respondens, huiusmodi exemplum, Gallorum petitionibus validissimum telum futurum.

Vbi sermo fieret Nuntio de sacra Inquisitione Mediolanensi, diceret; Nulla sibi super ea adesse mandata: quâ ratione, concessio-nis detrimenta sine asperitate repulsa declinarentur.

Cum his præsertim mandatis missus fuerat Vicecomes, quod factus Concilium maturus, & cum periculo in utero pereundi, edetur in lucem, & editus, vlnis benevolentibus ad diuturnam ac prosperam vitam exciperetur.

CAPVT